

歷代統紀表

冊

一

THE UNIVERSITY OF CHICAGO

歷代統紀表



四部備要

史部

上海中華書局據自刻本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

序

易曰大哉乾元萬物資始乃統天所謂統者必如天之統萬物初無殊疆異域之心而有道一風同之治乃大一統也自戰國下迄有明二千四十七年稱一統者八曰秦曰漢曰晉曰隋曰唐曰宋曰元曰明然未有如我

大清之盛者秦隋不以仁義得天下不二世而秦以十八王而滅隋以十八姓而亡固勿足論唯劉漢朱明猶有取焉然戚宦擅恣漢不免莽卓之變明亦不無靖難之兵司馬統十九州而八王構禍貽笑羣翟蔓延十五國卒成南北朝之分李唐統十五道而母后遞煽連疊藩鎮雲擾至十國終至五季之篡宋以遼金夏分據於西北元以宋吳漢割裂於東南一統之世又多不統之區是皆創業而後守成不易以致權日下移而疆圉於以寢薄矣惟我

大清

帝以傳

帝

聖又繼

聖

歷朝廷久享之祚

熙洽積自百年

累世握獨斷之權

謨猷洵可千古

先甲三後甲三廿二朝之弊政未見是圖

斂福五錫福五億萬世之黎民無思不服左右誰敢參以私議藩錫誰敢

攜以貳心遠方異國誰敢不朝中國而頌

聖人猗歟盛哉實與唐虞三代比隆豈僅駕唐宋而軼漢明已哉余嘗欲編

爲成書以頌

王猷紬繹久之實有難名狀者及讀西崖歷代一統表而大一統之模概可
覩矣歷代之表大書一統於上而卽以分統者橫列於下以紀其年月
固見無統者胥歸於一統亦以見一統者多有不統也至我

朝之統宇由有明上溯唐虞雖沿革不常所爲州國爲郡縣爲道爲路爲
軍爲省凡歷代之統者無不歸於所統而拓土開疆如西藏青海以及
外藩西域諸統部則我

朝之所統者實又歷代之所未及統也東不盡東海西不盡流沙南極南
海而更南於海北窮北漠而又北於漠尺地莫非王土也一民莫非王
臣也天所統之處卽我

君所統之處其參天贊化之功宛然如繪矣至其分朝紀縣按代繪圖有若
王象之輿地圖疆域敘前代事實而注以今之州縣沿革依今日疆理
而系以古之郡國有若王希先方域志謂兼二子之長乃地輿書之最
善本豈足以盡作者之意也哉西崖與余爲卯角交讀書有得必與反

序

古昔帝王之御天下也典禮命討原于天尊卑內外人不敢紊是以六經不言統而統自正也周衰聖賢不作綱淪法斁禮廢樂崩馴至彊秦入寇王室七國均敵不相統一後若南北朝及五代華夷紛爭天下無主不得已同謂之無統然作史者每徇所好惡或例義不嚴間有倒亂其統者如陳壽之三國志帝魏寇劉之類有未及成統而遽以大統書之者如通鑑以秦自丙午繼周漢自高祖元年繼秦晉自泰始元年繼魏唐自武德元年繼隋之類所謂統者均未得其正也惟有宋新安朱子綱目一書筆直旨深義正例嚴參諸說而釐訂之又蒙我

聖祖仁皇帝萬幾之暇博稽詳攷析疑正陋釐異闡幽實所以立天地之大綱扶古今之大義深有得於孔子春秋之心法者也但卷帙浩繁學者能熟悉而貫通者甚鮮而坊間刪本非錯記互載參列國建國及割據諸國于正統之中卽各國各成一編幾不知列國建國及割據諸國起於何帝終於何代是編爲

初學計仿太史公十表之式分爲數格以正統者正書于上編年以紀其事無
統及篡統者低一格而橫書之至列國建國及割據諸國起于某正統某年某
月終于某正統某年某月俱橫列于各正統之下而以正統之年月紀之則分
觀焉各成各國之史合觀之共成一代之書此所以大一統也統一則綱立綱
立則義正矣至其間所紀之書與人及祥瑞災異之見必其有關於統之所以
盛與所以衰者乃摘錄之其典禮命討尊卑內外一皆本

御批綱目云

大清嘉慶歲在昭陽作噩臯月西毫段長基自識

粵稽三代以來漢唐宋明國祚最長而大統之承惟漢明爲正秦隋不以仁義得天下俱不終二世而亡先儒謂爲閏位宜也魏篡漢晉篡魏天之所以報魏者不爽而晉以骨肉操戈貽笑羣翟自五部倡亂卒致南北有割裂之勢隋篡周唐篡隋天之所以報隋者有自而唐以豔妃遞煽貽禍外藩自三鎮連疊卒召五季成篡竊之世宋元之天下俱取于孤兒寡婦之手而宋不有檜俊賈史元不有擲思監撲不花等輩何至有青城之虜崖山之溺和林之逃哉歷觀前代或權臣攬柄或閹豎弄權或宗室構禍強奸乘間而起疊或母后稱制外戚恃勢以作威總由創業以後守成者難權日下移所由致也唯我大清

皇帝創制顯庸以聖繼聖獨握

乾綱大中居正耳目股肱莫不從令大一統規受萬邦慶億萬斯年永固休命

西崖段君歷代二十四史統紀全表及歷代疆域表沿革表余家購此書已三十餘年家君藏於辦香書室珍重之至間嘗展閱畢必整齊檢束以布裹之余少時受學於家君偶取家君所閱者閱之家君見而言曰經以明理史以致用固實學也但汝年尙少經書亦未讀全何能遽閱此書乎越數年學未成而年已長家君告余曰西崖先生歷代三表簡括詳明學者欲通古今之事此書易於睹記汝於餘閒閱之以廣見聞可也余庭訓是遵遂因餘力以此書時披閱之覺所包甚廣歷代統紀表可該歷代史表與歷代紀事年表與歷代帝王年表疆域表可該歷代地理書沿革表可該歷代皇輿表能註釋

大清一統志表遂有志刊行於世因家遭回祿有志未逮至咸豐丙辰粵匪竄入撫郡散處城鄉余家屢遭其擄掠因之囊橐日虧欲刊未能越辛酉逆匪復擾江右人皆趨避他鄉余亦倉皇失措沿革表因未及檢而失焉余失此書寢不安眠食不下咽累年歷四方採訪書肆中不惟未見問其書名亦無知者求借於藏書之家亦然癸亥冬省垣遇黃君立成出沿革表以授余余欣然喜曰

非西崖在天之靈此書安得而見既不得見雖欲刊其曷能哉今幸矣得是書而付諸梓矣非余之幸實西崖之幸西崖有知應亦以余爲曠世知己也已

大清同治歲在重光執徐月宜黃後學會守誠敬齋氏謹跋

大書一稿志美於育志何計於世因東窗回初有叔米無王

半美辭謝美何始雖分世聖書亦草美何始聖力皇與委

閱文慶世計善實並分終終美何始親分史美與聖分

長依親隔於外猶聞說之以爲具聞何出余與爾無數衣以

半曰其案書寺余曰西室半主親分三交爾計韓學答始

以爾實學出曰於半讀史聖書亦未盡全何始親聞此書

半父親受學於家書爾東家書爾聞之案書具而自曰說

十餘半東家書爾東家書爾東家書爾東家書爾東家書

西室與聖親分二十四史

凡例

〔正統〕謂周

起威烈王二十三年
盡赧王五十九年

秦

起始皇二十六年
年盡二世三十三年

漢

起高祖五年
盡炎興元年○此用
習鑿齒及程子說自建安二十五

以後黜魏年而係
漢統與司馬氏異

晉

起太康元年
盡元熙二年

隋

起開皇九年
大業十三年

唐

起武德元年
盡天祐四年

宋

起開寶八年
盡祥興二年

元

起至元十七年
至正二十七年

明

起洪武元年
崇禎十七年

〔無統〕謂周秦之間

秦楚燕魏
韓趙齊代

秦漢之間

楚西楚漢及
雍以下諸國

晉隋之間

宋齊
梁陳

唐宋之

間

梁唐晉
漢周

〔列國〕謂正統所封之國

如周威烈王之前魯衛齊宋等國威烈王以後
秦晉齊楚燕魏韓趙田諸國及漢諸侯王之類

〔建國〕諸仗義自王或相王者

如秦之楚趙
齊燕魏韓

〔篡賊〕謂篡位于統而不及傳位者

如漢之呂后王莽唐之武后之類其
陳器公孫述安史之屬不在此例

〔割據〕謂割正統之土地而據之者如蜀漢時

魏

晉宋間

二趙五涼三
秦四燕成夏

北朝

魏

齊後

唐宋間

晉岐吳西蜀楚吳越閩荆
南南漢後蜀南唐殷北漢

宋元間

遼金

元明間

天完吳
漢宋夏

〔不成君〕謂仗義承統而不能成功者

一是編惟正統者正書于上編年以紀其事所以大一統也

一無統及纂統者低一格橫書之所以別正統也

一列國建國及割據諸國起于某正統某年某月終于某正統某年某月俱橫列於各正統之下而以正統之年月紀之所以尊正統也

一正統之年則書元其非正統者書初不書元

一災異錄其大者如元旦朔日及日食晝晦如夜流星經天如織之類或疊見者如大水大旱又山崩地裂日一歲再食之類餘不俱錄

一紀事必其事之得失有關于統之盛衰者如典禮命討之類

一紀官必其人之賢否有關於統之興衰者如后王將相及權倖戚宦之類餘不俱錄

一郡縣始于秦漢故疆域表獨於秦漢兩朝列縣分注以後或沿或革從可推考故不復贅而僑置者不與焉

一沿革表依

國朝縉紳全書爲次自唐虞以迄有明按代分考所有邊圉未及載于縉紳者

一遵

大清一統志全錄以表疆域之廣

歷代統紀表卷之一

偃師段長基述

男摺書編次

孫

鼎鑰
鈞校

刊

盤古氏

首出御世之君其時天地
初開人生其間茹毛飲血
穴居而野處

世系

都邑

國號

天皇氏

始制干支

兄弟十三人

地皇氏

始定三辰分晝夜辨四時
晦朔弦望由之以定

兄弟十一人

人皇氏

始立九州君臣以定政教
以興

兄弟九人